

P336/3
LUSOGA
PAPER 3
Namugero
July/August 2023
Saawa: 3



WAKISSHA JOINT MOCK EXAMINATIONS.

Uganda Advanced Certificate of Education.

LUSOGA

OLUPAPULO OLW'OKUSATU

PAPER 3

Essaawa isaatu (3 hrs)

ENDAGIRIRO.

- *Olupapulo luno lulimu ebitundu bisatu; A, B ni C.*
- *Iramu ebibuuzo bina (4), nga bibiri okuva mu kitundu B na kirala kirala okuva mu buli kitundu A ni C.*
- *Ebibuuzo byona byona byagayaza obubonero.*
- *Bwokola ebibuuzo ebiswika mu byolagiirwa okwiramumu tibirikeberebwa.*

EKITUNDU A

EMPAYO

Mu kitundu kino iramu ekibuuzo kirala kyonka.

KU LUSOZI LUNO Joseph Mukwaya

1. a) Inhonhola ebizibu bitaanu Mwambu byabitamu. (obubonero 15)
b) Masomo ki goghanganga okwegera ku bizibu Mwambu byabitamu? (obubonero 10)

Oba

2. Inhonhola eneebisa ya mirundi ena y'abazaanhi bano mu luwayo KU LUSOZI LUNO. (obubonero 25)
(i) Masaba
(ii) Mayuba

EBYEIRA BISANSUKA Moses Wambi ni Nakiranda Martha

3. Enkomerero ya Okonkwo emugwana. Semba ekidhuubo ekyo. (obubonero 25)
Oba
4. Inhonhola omulamwa gw'omukwano mu katabo Ebyeira Bisansuka. (obubonero 25)

EKITUNDU B

BITONTOME NA MBOOZI

Londaku ekitontome kirala oiremu ebibuuzo ebikiiririra. Kola n'embooji.

5. Ekiidhukizo ky'abaakosebwa olutalo mu Afirika

Eitaka lyaguma ira.
Entobo y'omwiga yali n'entanda edheyongera obunene,
Ebyagi byayemerera aye nga byereere.
Enduba yeruupiika, ezira kisa mu nnimi dhaayo.
Ghaaliwo olekaana, buti okwigaaliriza, buti okw'ekisirise
Ghaaliwo okubwatuka, ekiragiwo, okubwatuka.
Tibaali banhazi bante ku luno,
Bayeekera baali buti batabane baife.
Balira niife mu ndhala n'eibbugumu,
Ku kikoomi eigulo twaseka nga tuli batuukirivu
Batabane baife baali baize mu bukyayi
Nga benda musaayi gwaife gwene.
Okufa kwali kwidhye tikuva ku ibbugumu aye batabane baife.

Omusana gwasitukira kw'itaka lyaife Eifirika oluvainhuma lw'emyezi.
Ekyeya kyali kiweireku, ekyalo kifulukwa,
Ghazira adhuba eitaka eibolu.
Gavumenti yanenia abayeekera

Bakama baibwe ab'endha baabakambughalira.
 Aye ghaasigala ekyeya ky'obukuumi, ky'omukwano
 Ky'omuzira, ky'enseko, ky'okukina.
 Batabane baife baayogererwamu eby'obufuzi.
 Ebyasonka obwala ku musaayi gwaibwe gwene.
 (Kitooleibwa mu 'Growing up with Poetry')

Ebibuuzo;

- a) Ani omwogezzi mu kitintome ekyo? (Obubonero 02)
- b) Mulamwa ki omukologho ogwogeirwaku mu kitontome? Inhonhola ebikakasa bibiri. (Obubonero 04)
- c) Inhonhola ebintu bina ebyaletebwawo olutalo olwo. (Obubonero 04)
- d) Bukodyo ki omughandisi bwakozeisa otuusa obubaka ku basomi b'ekitontome? (Obubonero 12)
- e) Owuliire otya bwosomye ekitontome ekyo? (Obubonero 03)

6. Omusaadha Omugayaavu

Empanga bwekolyoka
 Omusaadha omugayaavu amasula ensayadhe yaakoba:
 'kayi buceire n'ekyo?'
 Era nga'akaali kwecuusa mu bugayaavu,
 ng'akaali na kwayuuya,
 omulimi atuuka mu nnimiro,
 abasituzi b'agomuwaikendi batuuka ku mwiga,
 abasuubuzi bali sunsula pamba waibwe,
 Omutunzi akola ku lugoye lwe,
 era omuliro gugeiga mu kaguli k'omuweesi w'ebyuma
 Omusaadha omugayaavu aidhi omuunhu yegughooma;
 aja nhumba-ku-nhumba.
 enda eidha mwira ku mugogo!
 Aye bwabona ekira eky'endhole,
 ainhama osibula amapeesa g'esaati ye,
 aseeta kumpi n'abadhaguzi
 Ate ng'ebizibu bye ti bitono.
 Kugavaamu kugairamu,
 ng'omunafu abayiza omutulu.
 Bakazibe bwe balikula,
 Abasaadha abakombe bali babayiza.

(Kitooleibwa mu 'Rhymes and Rythms')

Ebibuuzo:

- a) Ghandiika omutwe ogundi ogutuukaana n'ekitontome ekyo. (Obubonero 03)
- b) Inhonhola enebisa y'omusaadha ayogeirwaku mu kitontome kyosomye. (Obubonero 04)

c) Inhonhola obukodyo omughandiisi bwakozeisa. (Obubonero 01)

d) Owulira otya bw'osomye ekitontome ekyo? Inhonhola bukalamu. (Obubonero 01)

e) Inhonhola amakulu g'ebibono bino nga bwe bikozeiseibwa. (Obubonero 06)

i) omuunhu

ii) abakombe

iii) aja nhumba-ku-nhumba

EMBOOZI

7. Soma emboozi eno ghaifo male oiremu ebibuzo ebiiririra.

Yaliyo abakazi abatontono ab'emyaka egya ghagati n'abakaire mu gaali yomuuka, enviiri dhaibwe edh'envu n'envuunio mu maiso ebyaghalagatiibwa ebiseera n'enaku nga baboneka oti byeneena. Mu ndhowooza entuufu, baali ebyali bighanga onhumizibwaku buli mulala kuba, emyka gwe gyali giwuubiire akatambaala. Buli mulala ng'aghanga okuba ati "Ngiziramu isanhu," osingaku bakagwabe abakaali abato einho.

Abaguna baali, mu mazima, abawula bungi mu bbandi era emitwe gyaibwe egy'enviiri enhirivu edhidwire obulamu dhamirimiinia mu musana. Ababdi baali n'amaiso amalungi abandi enhindo enungi, abandi omunwa mulungi ni figa enungi. Obuzibu mu kutetegania ensaya dhaibwe ng'abantu babetegereza, obutaghanga kumanha ngeri ya kutetenkania nsaya dhaibwe n'obutamanha ngeri yakuketoolamu okutya mubo, byabalimu, era byalaga nga baghala banakyalo, abatamanhiriire gangege mangi.

Era ghaire buli mulala kubo yalimu eibbugumu eritava ku musana, ng'eryeisuubi, ekirooto, kyanhumirwa pkola ng'omuze omukalamu, buli malala yali n'omusana gwe omwoyo gwe gwe gwali gulina okwota, N'olwekyo boonaboona baali bacamufu, era bangi kubo basanhufu.

Baatuuka ku kabbaala era baali bali gonhokera ku luguudo obita mu geeti enene omukazi y'akoba, "Ba kyalo aye baidhi!"

Omulala ku baghala yamulingaku. Yali mughala owamaiso ag'ekisa mulungi, aye nga timulungi ng'abandi aye amaisoge amanene gaamulungiya. Yasiba akawuuzi akamyufu ku nviiri era ni yenka eyali n'okwetonaatonha okw'ekika ekyo.

Ebibuuzo:

a) Ghandiika omutwe ogutuukaana n'emboozi yosomye.

(Obubonero 02)

b) Imhonhola endhawulo ghagati w'abakazi abakaire n'abaghala abato.

(Obubonero 03)

c) Ng'ogha ebyokuboneraku ebituukaana, inhonhola obukodyo obukozeseibwa omughandiisi w'emboozi eyo.

(Obubonero 12)

d) Ndhawulo ki ghagati w'abaghala abomukyalo n'abo abomu tawuni?

(Obubonero 02)

- e) Ki ekiraga ng'abaghala abogeirwaku baali baayega omulimo gwe baali bali kola? (Obubonero 02)
- f) Inhonhola amakulu mu bibono bino nga bwe bikozeisebwa. (Obubonero 02)
- i) gimuwuubiire akatambaala (Obubonero 02)
- ii) omusana gwe

EKITUNDU C

EMIZAANHO

Londaku ekibuuza kirala kyonka mu kitundu kino.

GONZA ALICE ni MOSES WAMBI: Endyega Mu Kibuga

8. Inhonhola enebisa ya Boss mu katabo Endyege mu Kibuga. (obubonero 25)

Oba

9. Masomo ki omunaana g'oyega mu muzaanho Edyege mu Kibuga? Inhonhola bukalamu. (obubonero 25)

JOSEPH MUKWAYA ni GONZA ALICE: Kadaaga

10. a) Enebisa ya Sekadhikuwe ogyogeraku otya? (obubonero 15)
- b) Masomo ki g'oghanga okwegera ku nebisa ya Sekadhikuwe? (obubonero 10)

Oba

11. Fenekansi : Ngwenda, aye era mu bughombeefu, nkaaloba. Buli lunaku, buli lunaku Fenekansi kola kino, Fenekansi kola kire, ni mu bwire ghagati ng'ezikiiza egenye bwe bbu-mbumbu, Fenekansi kola kino. Buti ndoba, kuba n'ekizezengere kyona kyetaaga okuwuumula iyi, abantu boonaboona baagayaga. Ninze zeena ndhagayaga. Era n'abakazi abandi boona baagayaga oyi nga Kadaaga ayagayaga okusingaku Sekadhikuwe kubanga yaleeta amaadhi.

Gabula : Wembaku, iwe napupu!

Fenekansi : Napupu? Buti ekyo kyeyimbye mirundi ebiri. Ekizezengere, waizaaku omukazi me-ni napupu yeena. Ndheta ekintu kyona kyona aye omunwa gwange gwamazima. Kadaaga atuukaana okuwulaku Sekadhikuwe. Nze zeena. Eee, omuliro gwiswise! Buli kanaku, buli kanaku, Fenekansi kuma omuliro, Fenekansi sala eisubi. Fenekansi sima amagombe, Fenekansi somba amaadhi. Buli kunco, Fenekansi liisa embwa, Fenekansi liisa ente, Fenekansi liisa enkoko! lwaki? Tiri kyuma ekizira musaayi! n'ebyuma byona binhwa peetulooli. N'olwekyo, okuva n'olwaleero buti oli ghakumpa ekitiibwa nga zeena nkikwiriza.

Bwikula

- Gabula : Ndi kuwulira bukalamu? Fenekansi, kunco oliire ki?
- Fenekansi : Ekyokunco? Nze, tirya kwogera dhogera kulya.
- Gabula : Oidha kwerumya endhala otuuke n'okufa
olw'endhogera ey'ekika ekyo, ekikere lwe (ekiroghoozo kiidhiira
Gabula yaagama mu nsawo yaakukunulayo ekinusu yaakigha
Fenekansi, Fenekansi okimuswankulaku.) Buti oli musanhufu?
- Fenekansi : Iyi, aye tiinho, inho, Kadaaga ampa bino bitaano
Ku lumbe. Bitaanu! Ekyo kitegeeza enda endhigufu yebwidha.
- Gabula : Kale, ja oyete Sekadhikuwe abakozi benda
kwirayo waibwe, kyobe omukobe.

Ebibuuzo

- (a) Mu bufunze, biki ebiviiraku oluwayo lwosomye? (Obubonero 03)
- (b) Inhonhola emiramwa ebiri egyoleseibwa mu luwayo. (Obubonero 04)
- (c) Enebisa y'abantu bano ogyogeraku okyo?
(i) Fenekansi (Obubonero 07)
(ii) Gabula (Obubonero 03)
- (d) Inhonhola obukodyo bubiri obukozeseibwa mu luwayo. Nokolayo
ebyokuboneraku. (Obubonero 08)

BIKANZE GHANO